

1551



# Apoteke Sarajevo

Javna ustanova za promet lijekova, ljekovitih preparata i ostalih roba

Bosna i Hercegovina  
Federacija Bosne i Hercegovine  
SKUPŠTINA KANTONA  
SARAJEVO  
Reisa Džemaludina Čauševića br.1  
71 000 Sarajevo

01-03-1227/2021  
22.04.20201 godine

22-04-2021  
01 04 3006-110

Predmet: **Odgovor na zastupničko pitanje – dostavlja se**

Poštovani,

u skladu sa Vašim aktom broj: 01-04-3006-19/21, od 08.03.2021. godine, kojim tražite odgovor na zastupničko pitanje zastupnice Danijele Kristić, u nastavku dajemo odgovor.

Zastupničko pitanje glasi: Molim da mi dostavite Ugovore o distribuciji JU "Apoteke Sarajevo" i distributera u zadnjih pet godina.

JU "Apoteke Sarajevo" (dalje u tekstu JUAS) je u prethodnih pet godina sa raznim poslovnim partnerima imala zaključen veliki broj ugovora o različitim vrstama poslovne saradnje. Takvi ugovori sadrže povjerljive, komercijalne informacije, čijim obznanjivanjem bi se nanijela šteta po komercijalne interese i tržišni položaj JUAS. JUAS je jedina samofinansirajuća zdravstvena ustanova, koja sredstva za rad u najvećem dijelu ostvaruje prodajom gotovih lijekova, vlastitih galenskih i magistralnih pripravaka i prodajom drugih roba kroz mrežu apoteka. Također, veliki broj ugovora sadrži klauzulu povjerljivosti, te bi svako otkrivanje elemenata tih ugovora od stane JUAS, predstavljalo osnov za tužbu od druge ugovorne strane. U tom smislu, JUAS je u obavezi pribaviti saglasnost druge ugovorne strane da obznani neki od elemenata i/ili informacija iz ugovora.

Rad JUAS je transparentan, kontinuirano informišemo kako javnost, tako i Osnivača o svim našim aktivnostima. Tim delegiran ispred Skupštine Kantona Sarajevo, kao našeg Osnivača, uvijek može doći u prostorije JUAS i izvršiti uvid u svu dokumentaciju, te dobiti odgovore i obrazloženja na sva pitanja. Stručni tim JUAS će rado organizovati takav sastanak i biti vam na raspolaganju.

Međutim, ne možemo udovoljiti zahtjevu za dostavljanjem svih ugovora iz perioda od prethodnih pet godina, jer bismo time prouzrokovali štetu JUAS, što sigurno ni Skupština kao naš osnivač ne želi. Također, i Zakon o slobodi pristupa informacijama u Federaciji BiH („Službene novine FBiH“, broj 32/01 i 48/11) propisuje izuzetak u vezi sa povjerljivim komercijalnim informacijama, te u članu 7. propisuje Kada nadležni javni organ osnovano utvrdi da zahtjev za pristup informaciji uključuje povjerljive komercijalne interese treće strane, bez odlaganja pismeno obavještava treću stranu o pojedinostima zahtjeva ili je upozorava da će se tražena informacija saopštiti, ako u roku od 15 dana od prijema ovog obavještenja pismeno ne odgovori da smatra da je informacija povjerljiva i navede razloge zbog kojih bi njenim saopštavanjem mogla nastupiti šteta. S tim u vezi, molim vas da nas obavijestite ako vam je potrebna konkretna specifična informacija iz kojeg konkretnog ugovora, te u čemu se ogleda javni interes za dostavom takve informacije, kako bismo mogli cijeniti da li ta informacija nanosi štetu po interese JUAS a i kako bismo o tome zatražili izjašnjenje trećih strana i u skladu sa Zakonom o slobodi pristupa informacija utvrdili da li postoji javni interes za saopćavanje takvih informacija.

S poštovanjem,

JU "Apotheke Sarajevo"  
Nedim Hrelja, mr. ph. MBA  
Generalni direktor

